

**R. P. Christiani Mayer E Societate Iesv, Diarivm  
Meditationvm, De Præcipvis Vitæ Christi mysteriis**

**Mayer, Christian**

**Coloniæ Agrippinæ, 1635**

6. De Christo causa exemplari huius eximia cum Deo vnionis

---

[urn:nbn:de:hbz:466:1-60091](#)

## V I.

*De Christo caussa exemplari huic  
cum Deo vnionis.*

I. Expende, quām eximium nobis Christus dedit specimen huius perfectissimæ cum Deo vnionis, & cum diuino beneplacito conformatis, per assiduam internorum actuum gratitudinis, amoris, resignationis, zeli gloriæ Patris, & humanæ salutis, & similiū, & quidem perfectissimorū, secundūm omnē dimensionē, frequentationem (vt videre est in Meditationib. i. p. hebd. 2. & 3. post Epiph.) idque ex amore maioris nostræ perfectionis, eo etiam fine, vt nos ad imitationem sui efficacius excitaret. Gratitudo, amor, zelus imitandi in frequenti exercitatione prædictorum affectuum.

II. Quām luculentum similiter nobis exhibuerit speculum eiusdem absolutissimæ cum Deo vnionis, & nostri voluntatis cum diuina voluntate conformatioñis, per frequentatos actus externos amoris, zeli, resignationis circa obiecta maximè ardua, & quidem ex omni parte perfectissimos, cum desiderijs insatiabilissimis perfectius æterni Patris iudicio & decreto in

in pluribus magisq; arduis, si placeret, se conformandi, reque ipsa suum erga ipsum amorem testificandi. Zelus in his eum imitandi.

III. Quam denique efficaciter exemplo suo nos docuerit omnes, tum aliarum virtutum actus, tum adiaphoras actiones exercere ex pura intentione, honoris, amoris, & beneplaciti Dei, omnibusque cogitationibus, desiderijs, studijs & conatibus nostris ad hunc veluti scopum unicum collimare, nihilque aliud velle, desiderare, querere in tempore, & aeternitate, quam idem cum Deo velle, idem nolle: quo nihil est melius, nihil optatius, cum id quasi deificari sit. Zelus ex amore Christum in his aemulandi.

*De Christo causa promerente, & effidente huius cum Deo unionis.*

VII.

I. Expende, quam copiosam nobis Christus promeruerit gratiam, ad hanc sublimem cum Deo unionem, per congrua media pertingendi, tam innumeris & ineffabilibus internis extensisque amoris, zeli, resignationis actibus tota vita frequentatis; tot heroicis plures, sublimiores, diuturniores, eiusmodi actus continuandi de-